



D Brv

REPUBLIKA E SHQIPËRISË
MINISTRIA E BRENDSHME
DREJTORIA E PËRGJITHSHME E POLICISË SË SHTETIT

Nr. 5727 Prot.

Tiranë më 08.07.2025

U R D H Ë R

Nr. 986, datë 8.7.2025

P Ë R

HAPJEN E FAZËS SË APLIKIMEVE PËR KONKURRIM PËR NDJEKJEN E
PROGRAMIT TË STUDIMIT "SIGURIA DHE HETIMI", CIKLI I PARË "BACHELOR",
NË AKADEMINË E SIGURISË, PËR VITIN AKADEMIK 2025-2026

Mbështetur në: pikën 1, pikën 2 shkronja "c", dhe "l" e nenit 55, nenit 69, nenin 73, nenin 85-89, të Ligjit Nr. 82/2024 "Për Policinë e Shtetit"; nenet 54-66 të Rregullore së Policisë së Shtetit të miratuar me VKM nr.112, datë 24.02.2025; VKM nr. 881, datë 28.10.2020, "Për statusin e veçantë të Akademisë së Sigurisë, si institucion i vetëm i arsimit të Lartë në fushën e Rendit e të Sigurisë Publike, si dhe organizimin e funksionimit të saj", i ndryshuar; në pikën 1, germa "a" dhe pikat 5, 6 dhe 7, të VKM nr. 436, datë 03.06.2020, "Për caktimin e kriterit të notës mesatare për pranimin e kandidatëve në Programet e studimeve të Ciklit të Parë dhe në Programet e Integruara të studimeve të Ciklit të Dytë ose Transferimin e studimeve në vitet e ndërmjetme të këtyre programeve, në Institucionet e Arsimit të Lartë, për vitin akademik 2020-2021 dhe 2021-2022 e në vijim"; Urdhërin e përbashkët të Qendrës së Shërbimeve Arsimore dhe Qendrës Ndërinstitucionale të Rrjetit Akademik Shqiptar, në Ministrinë e Arsimit dhe Sporteve, nr.157, datë 03.06.2025 "Për miratimin e kalendarit për procedurat e aplikimit dhe të regjistrimit në institucionet e arsimit të lartë, për vitin akademik 2025 – 2026"; Vendimin nr. 113, datë 14.04.2025, të Senatit Akademik, "Për miratimin e kuotave të regjistrimit për në programin "Bachelor" dhe "Master i Shkencave", për vitin akademik 2025-2026; Vendimin nr. 114, datë 14.04.2025, të Senatit Akademik, "Për miratimin e kriterëve të përgjithshme të pranimit të studentëve, në programin e ciklit të parë të studimeve "Bachelor" në "Siguria dhe hetimi", në Akademinë e Sigurisë";

Me qëllim plotësimin e nevojave për burime njerëzore në rolin e parë drejtues, në strukturat e Policisë së Shtetit, nëpërmjet një procesi konkurrimi të drejtë, të paanshëm dhe transparent, sipas parimit të shanseve të barabarta, mosdiskriminimit dhe meritës,

URDHËROJ:

Hapjen e fazës së aplikimeve për konkurrim, për ndjekjen e programit të studimit “Siguria dhe Hetimi”, cikli i parë i studimeve “Bachelor”, në Fakultetin e Sigurisë dhe Hetimit, në Akademinë e Sigurisë, për **150 kuota** të lira, për shtetasit që kanë përfunduar arsimin e mesëm të lartë;

PROCEDURAT QË NDIQEN PËR SHTETASIT QË KANË PËRFUNDUAR ARSIMIN E MESËM TË LARTË

I. KRITERET DHE PROCEDURAT E APLIKIMIT E REGJISTRIMIT

1. Kanë të drejtë të aplikojnë për të ndjekur studimet pranë Akademisë së Sigurisë, në programin “Siguria dhe Hetimi”, cikli i parë i studimeve “Bachelor”, me kohëzgjatje 3 vite akademike, shtetasit të cilët plotësojnë kriteret e mëposhtme:

- a) Të kenë shtetësi shqiptare;
- b) Të kenë zotësi të plotë për të vepruar;
- c) Të jenë në gjendje të mirë shëndetësore;
- d) Të kenë kryer arsimin parauniversitar brenda ose jashtë vendit, të njohur ose ekuivalentuar nga Ministria e Arsimit dhe Sportit, në Republikën e Shqipërisë;
- e) Të zotërojnë gjuhën shqipe të shkruar dhe të folur;
- f) Të mos jenë të dënuar me vendim gjykatë të formës së prerë për kryerjen e një krimi, apo për kryerjen e një kundërvajtjeje penale me dashje;
- g) Të kenë filluar procedurat për t’u pajisur me dëshmi të aftësisë për drejtimin e automjetit të tipit “B”;
- h) Të plotësojnë kriteret e besueshmërisë dhe integritetit;
- i) Të kenë notën mesatare të arsimit të mesëm të lartë, jo më pak se 6.5;
- j) Të jenë në moshën jo më shumë se 30 vjeç në ditën e fillimit të vitit akademik;
- k) Të kenë gjatësinë trupore jo më pak se 170 cm për meshkuj dhe jo më pak se 160 cm për femra;
- l) Të mos jenë të përjashtuar nga Policia e Shtetit, struktura të tjera të sigurisë kombëtare, apo të jetë larguar nga shërbimi civil.

2. Shtetasit, të cilët përfundojnë arsimin e mesëm të lartë, i nënshtrohen procedurave sipas agjendës së mëposhtme:

Nr	Aktiviteti që do të kryhet	Personi/institucioni përgjegjës	Periudha
1.	Aplikim në portalin U-Albania nëpërmjet formularit online të aplikimit, duke zgjedhur programin “Siguria dhe Hetimi”.	Aplikantët	29 korrik – 03 gusht 2025
2.	Nga portali U-Albania, shkarkohet lista e aplikantëve që kanë përzgjedhur programin e studimit “Siguria dhe Hetimi”.	Akademia e Sigurisë	4 gusht 2025

Nr	Aktiviteti që do të kryhet	Personi/institucioni përgjegjës	Periudha
3.	Afishim në mjediset e Akademisë, si dhe në website-in e Policisë së Shtetit dhe Akademisë së Sigurisë, i listës së aplikantëve të cilët kanë aplikuar për programin e studimit “Siguria dhe Hetimi”, duke përcaktuar fazat dhe datat e zhvillimit të testeve.	Akademia e Sigurisë	4 gusht 2025
4.	Regjistrimi i aplikantëve dhe dorëzimi i dokumentacionit fillestar.	Komisioni i Pranimit	05 - 06 gusht 2025
5.	<u>Aplikantët i nënshtrohen procesit të:</u> a) Verifikimit dhe shqyrtimit të dokumentacionit; b) Verifikimit të integritetit dhe besueshmërisë për tu bërë pjesë e Policisë së Shtetit; c) Kontrollit shëndetësor; d) Testit fizik; e) Testit psikologjik.	Akademia e Sigurisë	07 – 22 gusht 2025
6.	Zhvillimi i testit fizik	Komisioni i vlerësimit	07 – 10 gusht 2025
7.	Zhvillimi i intervistës me gojë dhe testit psikologjik	Komisioni i Vlerësimit	11 – 14 gusht 2025
8.	Zhvillimi i kontrollit mjekësor	Komisioni mjekësor	18 – 22 gusht 2025
9.	Administrimi i vërtetimeve të besueshmërisë	Komisioni i Pranimit	Brenda datës 22 gusht 2025
10.	Hartimi i listës së rezultateve sipas rendit zbritës	Komisioni i Pranimit	25 gusht 2025
11.	Afishimi dhe ngarkimi në portalin U-Albania i listës së rezultateve sipas rendit zbritës, duke përdorur si element identifikimi vetëm ID-në e tyre të maturës.	Komisioni i Pranimit	26 gusht 2025
12.	Ankimimi	Aplikantët	27 gusht 2025
13.	Shqyrtimi i ankesave të aplikantëve	Komisioni i Ankimit	28-29 gusht 2025
14.	Publikimi në portalin U-Albania, i listës së aplikantëve fitues në rend zbritës.	Akademia e Sigurisë	29 gusht 2025
15.	Regjistrimi dhe dorëzimi i dokumentacionit përfundimtar nga aplikantëve e shpallur fitues.	Aplikantët Komisioni i Pranimit	29 gusht – 11 shtator 2025

3. Aplikantët që duan të ndjekin studimet në Akademinë e Sigurisë, në programin e studimit të ciklit të parë “Bachelor”, “Siguria dhe Hetimi”, të cilët plotësojnë kriteret e përcaktuara në pikën 2, të këtij urdhri, të publikuara dhe në portalin U-Albania, duhet të aplikojnë në portalin U-Albania në periudhën **29 korrik – 03 gusht 2025**, nëpërmjet formularit *online* të aplikimit, duke zgjedhur programin “Siguria dhe Hetimi”.

4. Aplikantët gjatë procesit të aplikimit duhet të shkarkojnë nga faqja zyrtare e Policisë së Shtetit formularin e aplikimit, kërkesën model tip, formularin e vetëdeklarimit, si dhe skedën shëndetësore, bashkëlidhje e këtij urdhri, të cilat i dorëzojnë në momentin e regjistrimit në Akademinë e Sigurisë. Për rubrikat e kontrollit të përgjithshëm, skeda shëndetësore të plotësohet pranë qendrave shëndetësore ku aplikanti ka vendbanimin, (*përveç pikës 10 të kësaj skede*) dhe dorëzohet nga aplikanti pranë Komisionit, në momentin e zhvillimit të kontrollit shëndetësor.

5. Komisioni i Pranimi më datën **04 gusht 2025** shkarkon nga portali U-Albania listën e aplikantëve që kanë përzgjedhur programin e studimit “Siguria dhe hetimi”.

6. Komisioni i Pranimi, më datën **04 gusht 2025**, afishon në mjediset e saj, si dhe në Website-in e Policisë së Shtetit dhe Akademisë së Sigurisë, listën e aplikantëve të cilët kanë aplikuar për programin e studimit “Siguria dhe Hetimi”, si dhe datën e zhvillimit të testimeve dhe kontrollit shëndetësor.

7. Komisioni i Pranimi, brenda periudhës **05 – 06 gusht 2025**, bën regjistrimin e aplikantëve si dhe shqyrton dokumentacionin paraprak të mëposhtëm, të dorëzuar nga aplikantët, për të verifikuar nëse ata plotësojnë kriteret bazë, për pranim në Akademinë e Sigurisë, si dhe kanë plotësuar formularët në mënyrën e duhur.

- ✓ *Kërkesën model tip për regjistrim;*
- ✓ *Formularin e aplikimit për punësim në strukturat e policisë;*
- ✓ *Formularin e vetëdeklarimit;*
- ✓ *Fotokopje të kartës së identitetit;*
- ✓ *Certifikatë familjare;*

8. Nëse gjatë shqyrtimit të dokumentacionit rezulton se aplikanti nuk plotëson kriteret e përcaktuara, ai s’kualifikohet nga procesi i konkurrimit. Aplikanti njoftohet nëpërmjet email-it të evidentuar nga ana e tij në formularin e aplikimit në lidhje me arsyet e skualifikimit.

9. Komisioni i Pranimi harton listat e aplikantëve që plotësojnë kriteret, të ndara në nivel qarku dhe i dërgon ato pranë Drejtorisë së Burimeve Njerëzore, në Drejtorinë e Përgjithshme të Policisë së Shtetit.

10. Brenda datës **07 gusht 2025**, Drejtoria e Burimeve Njerëzore dërgon pranë Drejtorive Vendore të Policisë ku aplikanti ka vendbanimin, listën e aplikantëve. Drejtoritë Vendore të Policisë hartojnë vërtetimin e besueshmërisë, si dhe nëpërmjet Sektorëve të Policisë Shkencore, marrin dhe administrojnë për krahasim gjurmët daktiloskopike të aplikantëve.

11. Verifikimi i besueshmërisë së aplikantëve është një proces i verifikimit të të dhënave të vetëdeklaruar nga aplikantët, në raport me ato të regjistrave fizikë dhe elektronikë të administruara nga Policia e Shtetit, si dhe Institucionet e tjera shtetërore shqiptare apo të huaja.

12. Verifikimi i besueshmërisë së aplikantëve bëhet sipas rregullave dhe procedurave të përcaktuara në Procedurën Standarde “Rastet, modalitetet dhe strukturat që hartojnë vërtetimin e besueshmërisë”, të miratuara me urdhër nr. 923 datë 23.06.2025, të Drejtorit të Përgjithshëm të Policisë së Shtetit, **jo më vonë se data 22 gusht 2025.**

13. Sektorët e Policisë Shkencore pranë DVP-ve, pas kryerjes së procedurave për marrjen e gjurmëve daktiloskopike të aplikantëve, i dërgojnë ato për krahasim pranë Institutit të Policisë Shkencore. Marrja e gjurmëve daktiloskopike bëhet sipas procedurave standarde, të miratuara nga Drejtori i Përgjithshëm i Policisë së Shtetit.

14. Aplikantët, që pas krahasimit të gjurmëve daktiloskopike rezultojnë me probleme në sistemin “Afis/Apis Papon 9” i nënshtrohen procedurave të mëtejshme të verifikimit dhe kontrollit nga strukturat e hetimit të krimeve ku janë evidentuar gjurmët.

15. Drejtoritë Vendore të Policisë dhe Instituti i Policisë Shkencore, jo më vonë se **data 22.08.2025** dërgojnë vërtetimet e besueshmërisë si dhe rezultatet e krahasimit të gjurmëve daktiloskopike nominalisht për secilin aplikant, pranë Drejtorisë së Burimeve Njerëzore, e cila i dërgon ato pranë Komisionit të Pranimi në Akademinë e Sigurisë.

II. PROCESI I VLERËSIMIT, KONTROLLIT DHE TESTIMIT

1. Aplikantët i nënshtrohet procesit të vlerësimit, testimit dhe kontrollit, i cili përfshin:

Nr	Lloji i vlerësimit/kontrollit	Pesha specifike	Periudha
1	Vlerësimin sipas notës mesatare të shkollës së mesme të lartë	50 % të vlerësimit të përgjithshëm; (5 pikë për çdo notë. Psh. Nota mesatare $8 \times 5 \text{ pikë} = 40 \text{ pike}$)	07 – 11 gusht 2025
2	Testim fizik	30% të vlerësimit të përgjithshëm	07 – 10 gusht 2025
3	Intervista me gojë	20% të vlerësimit të përgjithshëm	11 – 14 gusht 2025
4	Testimit psikologjik	Kalues/jo kalues	11 – 14 gusht 2025
5	Kontrolli shëndetësor	I aftë/jo i aftë	18 – 22 gusht 2025

2. Testimi fizik, intervista me gojë, testi psikologjik dhe kontrolli shëndetësor, kryhen sipas rregullave të përcaktuara në procedurën standarde “Për pranimin në Policinë e Shtetit”, të miratuar me urdhër nr.949, datë 30.06.2025, të Drejtorit të Përgjithshëm të Policisë së Shtetit.

3. Aplikantët njihen me rezultatet e testimit kundrejt nënshkrimit brenda ditës kur ata zhvillojnë testimin.

III. NXJERRJA DHE PUBLIKIMI I REZULTATEVE

1. Komisioni i pranimi, më datën **25 gusht 2025** harton listën e rezultateve të aplikantëve, shqyrton vërtetimet e besueshmërisë dhe informacionin e ardhur nga Instituti i Policisë Shkencore për secilin aplikant dhe merr vendim për aplikantët që kualifikohen dhe shpallen fitues, si dhe aplikantët të cilët nuk janë fitues.
2. Shpallen fitues, vetëm aplikantët e renditur në liste sipas rezultateve në rend zbritës, brenda **150 kuotave** të shpallura për konkurrim, të cilët plotësojnë kriteret ligjore të përcaktuara.
3. Komisioni i Pranimi më datën **26 gusht 2025**, afishon dhe publikon listat e renditjes së aplikantëve, duke përdorur si element identifikimi vetëm ID-në e tyre të maturës, në mënyrë që të respektohen përcaktimet e kuadrit ligjor për mbrojtjen e të dhënave personale. Akademia e Sigurisë ngarkon një kopje elektronike të këtyre listave në portalin U-Albania.

IV. KOMISIONI I PRANIMIT DHE VLERËSIMIT

1. Me qëllim mbarëvajtjen e procesit të pranimi, në programin e studimit “Siguria dhe Hetimi”, me urdhër të Drejtorit të Përgjithshëm të Policisë së Shtetit ngrihen dhe përcaktohen Komisioni i Pranimi, Komisionet e Vlerësimit dhe sekretaria teknike.
2. Komisioni i Pranimi ka për detyrë:
 - a) Të bëjë regjistrimin e aplikantëve;
 - b) Të vlerësojë e shqyrtojë dokumentacionin si dhe plotësimin e kriterëve të aplikantëve;
 - c) Të bëjë vlerësimin e notës mesatare sipas peshës specifike në raport me rezultatin e përgjithshëm;
 - d) Të administrojë rezultatet e Komisioneve të Vlerësimit të testit fizik, intervistës me gojë, testit psikologjik dhe kontrollit mjekësor;
 - e) Të vlerësojë plotësimin e kriterit të besueshmërisë dhe integritetit të aplikantëve;
 - f) Të përlllogarisë dhe nxjerrë rezultatet përfundimtare të aplikantëve;
 - g) Të marrë vendim për aplikantët fitues dhe jo fitues si dhe të bëjë shpalljen e rezultateve përfundimtare;
3. Komisionet e Vlerësimit bëjnë vlerësimin e aplikantëve në testin fizik, intervistën me gojë, testin psikologjik dhe kontrollin mjekësor.

V. ANKIMIMI

1. Çdo aplikant ka të drejtën e ankimit mbi rezultatet e arritura. Ankimi bëhet pranë Komisionit të Ankimit, në datën **27 gusht 2025**.
2. Komisioni i Ankimit bën shqyrtimin e ankesave si dhe njofton aplikantët mbi rezultatet e ankimit, në datën **28-29 Gusht 2024**.
3. Vendimet e Komisionit të Ankimit bëhen pjesë e rezultateve përfundimtare të aplikantëve nga Komisioni i Pranimi.
4. Komisioni i Ankimit ngrihet me urdhër të Drejtorit të Përgjithshëm të Policisë së Shtetit.

VI. SHPALLJA E REZULTATEVE PËRFUNDIMTARE DHE REGJISTRIMI I APLIKANTËVE

1. Pas përfundimit të procesit të ankimimit, Komisioni i Pranimi më datën **29 gusht 2025** bën publikimin në portalin U-Albania, të listës së aplikantëve fitues në rend zbritës.

2. Më datën **29 gusht – 11 shtator 2025**, Komisioni i Pranimi bën regjistrimin e aplikantëve fitues. Aplikantët fitues në momentin e regjistrimit dorëzojnë dokumentacionin shtesë, që përfshin:

- a) *Certifikatë të gjendjes gjyqësore;*
- b) *Diplomë të shoqëruar me listë notash që vërteton përfundimin e arsimit të mesëm (e noterizuar);*
- c) *Vërtetim që është i regjistruar për marrjen e dëshmisë së aftësisë së drejtimit të automjetit të tipit “B”;*
- ç) *Vërtetim nga gjykata që nuk është në gjykim për vepër penale;*
- d) *Vërtetim nga prokuroria që nuk është në ndjekje penale;*
- dh) *Vërtetim nga Struktura e Posaçme kundër Korrupsionit dhe Krimit të Organizuar;*

3. Nëse pas përfundimit të raundit të parë, nuk plotësohen kuotat e lira për konkurrim, procesi i aplikimit dhe regjistrimit rifillon sipas afateve dhe procedurave të përcaktuara në urdhërin e përbashkët të Qendrës së Shërbimeve Arsimore dhe Qendrës Ndërinstitucionale të Rrjetit Akademik Shqiptar Nr.157, datë 03.06.2025 “Për miratimin e kalendarit për procedurat e aplikimit dhe të regjistrimit në institucionet e arsimit të lartë, për vitin akademik 2025 – 2026”;

4. Shpallen fitues vetëm aplikantët e renditur në listë sipas rezultateve në rend zbritës, brenda 150 kuotave të shpallura për konkurrim.

5. Për çdo fazë të procesit, duke filluar nga momenti i shpalljes së aplikimeve deri në shpalljen e rezultateve, ankesat shqyrtohen nga Komisioni i Apelimit i përbërë nga:

- a) *Drejtues i Lartë Sokol BIZHGA, Zëvendës drejtori i Përgjithshëm i Policisë së Shtetit, Kryetar*
- b) *Drejtues Anisa DUÇKOLLARI, Drejtori i Drejtorisë së Burimeve Njerëzore, Anëtar*
- c) *Drejtues i Parë Dhimitraq ZIU, Drejtori i Drejtorisë së Standardeve Profesionale, Anëtar*
- d) *Drejtues i Parë Saimir MUÇAJ, Drejtori i Drejtorisë së Analizës së Riskut dhe Hetimit, Anëtar*
- e) *Drejtues i Parë Iris BREGU, Këshilltar i Kabinetit të Drejtorit të Përgjithshëm, Anëtar.*

Komisioni Apelimit të asistohet nga sekretaria teknike e përbërë nga specialistë të Drejtorisë të Burimeve Njerëzore:

- Kryekomisar Arjan KAJO
- Kryekomisar Gentiana JENISHAJ
- Kryekomisar Ornela FESKAJ

6. Komisioni i Apelimit vendor dhe qëndror, shqyrton ankesat e administruara nga sekretaria teknike dhe merr vendim brenda 5 (pesë) ditëve pune, nga data e përfundimit të afatit të ankimimit. Ankuesit i kthehet përgjigje zyrtare jo më vonë se 5 (pesë) ditë pune.

7. Sektori i Komunikimit me Median dhe Publikun të bëjë publikimin në faqen zyrtare të Policisë së Shtetit e aksesueshme nga çdo shtetas, si dhe në median e shkruar e atë vizive të këtij urdhri, formularin e aplikimit, formularin e vetëdeklarimit, kërkesën model tip, skedën shëndetësore, si dhe video të testimit fizik që do t'i nënshtrohen aplikantët.

8. Sektori i Komunikimit me Median dhe Publikun, në bashkëpunim me Akademinë e Sigurisë dhe Drejtorinë Vendore të Policisë, të zhvillojnë fushata sensibilizuese dhe promovuese pranë njësive administrative në nivel qarku dhe jo vetëm, me qëllim informimin e komunitetit për procesin e pranimit në Policinë e Shtetit.

9. Departamenti për Shërbimet Mbështetëse të marrë masa për të siguruar infrastrukturën e nevojshme, për akomodimin e 150 aplikantëve të shpallur fitues në procesin e konkurrimit.

10. Drejtoria e Burimeve Njerëzore përgatit drafturdrin për Drejtorin e Përgjithshëm të Policisë së Shtetit, për vazhdimin e studimeve në programin e studimit “Siguria dhe Hetimi”, në Akademinë e Sigurisë.

11. Procesi i pranimit në Policinë e Shtetit menaxhohet dhe koordinohet nga Drejtoria e Burimeve Njerëzore dhe Akademia e Sigurisë.

12. Në momentin e fillimit të studimeve, aplikanti nënshkruan kontratën me titullarin e Akademisë së Sigurisë. Në kontratë përcaktohen të drejtat dhe detyrimet gjatë shkollimit, si dhe qëndrimit në detyrë në strukturat policore, jo më pak se 3 (tre) vite, pas përfundimit të studimeve.

13. Shtetasit që kanë përfunduar arsimin e mesëm të lartë, që pranohen të vazhdojnë studimet me kohë të plotë në ciklin e parë “Bachelor”, në Akademinë e Sigurisë, në momentin e fillimit të studimeve trajtohen sipas Vendimit të Këshillit të Ministrave nr. 4, datë 09.01.2025 “Për miratimin e vlerave për secilin element përbërës të pagës bruto mujore dhe përcaktimin e kriterëve e të procedurave për dhënien e shpërblimeve për punonjësit e Policisë së Shtetit”.

14. Ngarkohen për zbatimin e këtij urdhri Akademia e Sigurisë, Drejtoria e Burimeve Njerëzore, Departamenti për Shërbimet Mbështetëse, Drejtoria e Standardeve Profesionale, Drejtoria për Marrëdhëniet me Publikun dhe Median, Instituti i Policisë Shkencore dhe strukturat vendore të Policisë.

15. Monitorimi i procesit të pranimit në Policinë e Shtetit të kryhet nga Drejtoria e Standardeve Profesionale.

16. Drejtoria e Burimeve Njerëzore të bëjë njoftimin e Agjencisë së Mbikëqyrjes Policore, si dhe misionëve policore që asistojnë Policinë e Shtetit, si EU4LEA dhe Programi ICITAP, para fillimit të secilës fazë të procesit të pranimit.

17. Me këtë urdhër të njihen të gjithë punonjësit e Policisë së Shtetit.

18. Për kontrollin e zbatimit të këtij urdhri, ngarkohet Zëvendës Drejtori i Përgjithshëm i Policisë së Shtetit.

Ky urdhër hyn në fuqi menjëherë.

DREJTORI I PËRGJITHSHËM

Drejtues Madhor Ilir PRODA

